



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dictamina Seu Scita Variæ Doctrinæ, Politicæ, Moralis,
Stoicæ, Christianæ, & Spiritualis**

Nieremberg, Juan Eusebio

Paderbornæ, 1711

Decas III.

[urn:nbn:de:hbz:466:1-50306](#)

vatum timetur minùs, aut penè diligitur.
Desipis, si alieni criminis te reum facis, ut
proximum immunem reddas. Pejus est
culpæ favere, quām facere; hoc fragili-
tatis est, illud malitiæ.

19. Ex usu rationis formatur Virtus, ex
abusu vitium oritur. At quis Major abu-
sus, quām contraire Rationi? Tametsi
quodvis vitium aliò se torqueat, omnia
tamen adversantur Rationi; vitiosus au-
tem sibi ipsi. Turpe est Intellectu uti, ut
bestiis assimilere.

20. Nescire imperare affectibus suis
tam dedecorum est impio, quām pæno-
sum iis non posse occurrere. Vel non au-
det tentare quod cupit, vel si tentat, non
assequitur. Adeò propria illum vota affli-
gunt. Spes modicæ voluptatis quām lon-
ga rependitur serie dolorum! imò quām
cara sunt pretia dubii mellis per ipsos z-
marores ad nos defluentis.

DECAS III.

21. Nullum vitium est absque censu, nul-
lum cum emolumento. Sui causâ, & sine
fænore adjuncto nemo illud quæsierit: in-
dè vilitas ejus patescit. Superbia appetit
hono-

honorem, avaritia nummos; gula volu-
ptatem: omnia spondent boni aliquid; sed
præstant nihil, aut satisfaciunt pessimè.

22. Odiſſe te oportet vitia, non me-
tuere. Nam qui ex metu fugit, non hor-
rore malefacti, timidus magis, quām ju-
stus dicendus est. Periclitamur non de ca-
ſu ſolūm, ſed & de interitu: damnoſiſſi-
mum enim eſt malē vivere, & non indiſ-
crimen duntaxat, ſed & omnimodam rui-
nam præcipites agit.

23. Inanis ſpecies, phantasma vivendi
eſt mala vita: eam vitia occupant, non
explent. Non habet uſum, ſed impedi-
menta vivendi, qui malē vixerit. Nihil
agere eſt non vivere; malē agere eſt vi-
tam perdere. Otium eſt parenthesis vi-
tæ, vitium jactura. Non idem putes diur-
nare, & vivere; neque omnis, qui diu fuit,
diu vivit. Senex vitiosus diu fuit, parūm
vixit: juvenis virtuosus, etiamsi parūm
durârit, multūm vixit.

24. Malē agere res eſt plena periculi.
Malus nuspiam ſecurus eſt. Tametsi nemo
ei infenſus ſit & omnes indulſerint, con-
ſcientia nunquam parcit, nunquam deſi-

D

nit

nit castigare. Peccatoris maxima pæna est deliquisse: ipso scelere plectitur Scelestus.

25. Sceleribus nunquam profuit Secre-
tum: Possunt quidem occultari; at ut
semper lateant, quis assecurabit? O ine-
ptos! quibus cura tantum est absconde-
re peccata, quæ non possunt, & nolunt
destruere, quod facile possunt. Quid
prodest, alii ignorent malitiam tuam, si
tibi ea constet, & Deus perspectam ha-
beat? Quamvis ab omnibus securus de-
gas, timebis tamen: desint licet pericu-
la, non deerunt timores, minus detri-
menta.

26. Non famâ æstimemus nos, sed con-
scientiâ. Plus interest te virtuosum esse,
quam videri: neque enim ex eo, quod au-
dis, sed quod es, æstimari debes. Bonita-
tem non censeas testimonio alieno, neque
gloriam putas laudatum esse, sed laudabi-
lem. Ille maximè laudabilis est, qui etiam
non laudatus perseverat laudabilis esse.

27. Inter delicias corporis ægrotat ani-
mus, & spiritus flaccescit, dum caro sagi-
natur: deficit enim facultas agendi quo
voluisse aliquando facilè fuit, corporis di-
latatione constringente animam.

28. Voluptas, ubi modum transilierit,
vertitur in pñnam. Sanè perutilis virtus
sit oportet; siquidem ipsa vitia, ut suum
consequantur finem, ejus indolem imi-
tantur servato medio, vitatisq; extremis.

29. Leo blanditiis solet mansuescere,
& caro nostra deliciis efferatur. Cibus su-
mendus non est utì materia gustùs; sed
quasi medicina famis. Non vivimus, ut e-
damus; sed edimus, ut vivamus. Edendo
modicè vives diutissimè: plures enim oc-
cidit gula, quàm ferrum.

30. Adeò nihil prosunt vitia, ut etiam
obsint ipsi vitioso. Quò plùs cuticulam
tuam curaveris, tantò plùs indè gravaris.
Amâsse nocuisse est. Gula, & luxuria col-
legæ ac veluti Consules sunt vitiorum:
quantò magis blandiuntur carni, tantò
magis officiunt; vires hebetant, agglo-
merant dolores, substantiam pessum dant.

DECAS IV.

31. Ingluvies per vitæ officinam mor-
tem fabricat, per gustum anxietatem.
Lascivia dulce est principium amari exi-
tùs: Initio palpat, exitus exitium est. Vi-
tium sibi ipsi notissimum, obscurum ta-